

Vaga Servisu

Koordenadór Munisipiu Dili (KM)

Belun Organizasaun nasonál hari iha tinan 2004 atu partisipa iha prosesu dezvoltamentu no hari nasaun Timor-Leste. Belun ho nia vizaun ne'ebé reafirma nia Planu Estratéjiku ba tinan 2019 - 2023 mak Sociedade Timor-Leste iha kbiit, kreativu no kritiku hodi hametin dame ba dezvoltamentu. Atu alkansa vizaun ida ne'e Belun ho nia misaun mak Servi sociedade no prevene konflitu ho integridade no inovativu.

Atu hatan di'ak ba meta programa prevensaun konflitu husi Sistema Atensaun no Responde Sedu (AtReS) mak Belun buka hela maluk **"Timor oan"** ida hodi tulun hamutuk ho Belun ba atinji atividade balun iha programa refere. Belun ofere oportunidade ba posizaun **"Koordenadór Munisipiu Dili"**

INFORMASAUN BAZE PROGRAMA

Agora dadauk, Belun hetan apoiu fundu kiik husi parseria ho Embaixada Australian liuhusi fundu Direct Aid Program (DAP), DFAT nomos parseria Asia Pacific Partnership Atrocity Prevention (APPAP) ba implementa Sistema Atensaun no Responde Sedu (AtReS). Area kobertura programa iha Munisipiu Dili ho kabe ba postu 6 tuir mai Metinaru, Illa Ataúro, Dom Aleixo, Vera Cruz, Nain Feto no Cisto Rei ho implementa hamutuk ho comunidade iha area rural.

Atividades ne'ebé preve no sei implementa mak mensiona tuir mai:

- Monitorizasaun ba kolekta dados insidente no mudansa ba situasaun seguransa iha comunidade no halo verifikasaun antes ba analiz dados hodi publika;
- Semináriu nasonál kona-ba ezistensia Sistema Atensaun no Responde Sedu;
- Enkontu Trimestral hamutuk parseiru membru Rede Prevensaun no Responde Konflitu iha nivel Postu administrativu ne'ebé identifikadu;
- Hametin partisipasaun feto hodi foti desizaun iha nivel comunidade;
- Eventu Open House hamutuk ho representante grupu feto sira kona-ba sosializasaun lei violensia domestika;
- Enkontru regular ho parseiru representante joven feto inklui parseiru grupu difisiente no parseiru grupu LGBTI kona-ba lei vilolesia domestika no violensia bazeia ba jéneru;
- Organiza enkontru iha nivel postu hodi fahé informasaun kona-ba relatóriu publikasaun Belun nia revista situasaun kada fulan rua-rua.

RESPONSABILIDADE

- Prepara planu servisu fulan no pedidu orsamentu no haruka ba Jestor programa hodi aprova;
- Halo koordensaun no introdus programa no fahé informasaun ba administradór munisipiu, administradór postu no autoridade lokal no parseiru sira seluk iha Munisipiu no suku ba fatin ne'ebé halo kobertura programa ne'e;
- Halo koordensaun ho parseiru servisu hamutuk iha Munisipiu Dili;
- Apoiu fahé konvite ba atividade sira tuir kada atividade ne'ebé iha ona aprovasaun kada semanal no fulan;
- Halo monitorizasaun ba situasaun sosiál, politika, ekonomia no dezvoltamentu oi-oin ne'ébe mak akontese iha nivel Postu no hare'e impaktu hodi buka hatene ninia kauza no dokumenta ho di'ak;

- Prepara relatóriu semanál/fulan, relatóriu gastus, apoiu kolekta dadus NGOs no CBOs ba baze dadus nasonál Belun no planu mensál, relatóriu enkontru, no sst
- Identifika monitorizadores iha Postu ne'ebé refere husi kordenasaun ho autoridade lokál no parseiru sira;
- Organiza enkontru trimestral hodi sosializa Sistema AtReS no relatóriu trimestrá, peskiza tuir tempu ne'ebé determina ba stakeholder/ajensia relevante iha nivle Postu (inklui prepara agenda enkontru, distribui konvite, hakerek relatóriu no fasilita enkontru);
- Ativu kontaktu monitorizadores liu husi telemovel hodi hetan informasaun kona-ba situasaun atuál no informasaun kona-ba insidente no verifika informasaun insidente no vizita monitorizadores ba diskusaun kona-ba verifika relatóriu insidente no situasaun;
- Halao diskusaun ho stakeholder oi-oin iha nivel Postu hodi haforsa papel parseiru Rede Prevençãun no Responde Konfliktu (RPRK);

KOMPETENSIA:

- Kapasidade atu promove kolaborasaun ho pesoál servisu nomos parseiru sira;
- Organizado, efikáz, kriptivu no iha motivasaun a'as;
- Kapasidade di'ak tebes atu serbisu mesa-mesak no serbisu iha ekipa ida.

KRITERIA:

- Iha koñesimentu kona-ba Polítika Protesaun Direitu ba Labarik;
- Iha karta koñesimentu husi Xefe Suku kona-ba livre husi krime hasoru labarik;
- Iha koñesimentu kona-ba politika jéneru no inklusivu nomos politika fraude.

KUALIFIKASAUN:

I. EDUKASAUN mínimu Eskola SEKUNDAIRU ho esperiénsia iha area servisu dezvoltamentu comunidade

II. ESPERIÉNSIA SERVISU

- Esperiência serbisu tinan 3-5 iha organizasaun sira;
- Iha esperiência no kompresaun di'ak kona-ba metodulójia partisipativu sira ba mobiliza comunidade no aptidaun fasilitasaun comunidade ne'ebé forte;
- Iha esperiência no kapasidade atu analiz dadus, hakerek no apresenta relatóriu bazea ba rezultadu servisu baze.

III. LINGUA NO ABILIDADE SELUK

- Literasia komputadór iha programa standartu sira hanesan Microsoft Office (Word, Excel, Power Point, no Baze de Dadus) no abilidade atu uza ho efektividade ekipamentu teknolojia (IT, mákina fotokopia, internet & email);
- Iha karta kondusaun válidu ba motorizada;
- Bele hakerek no koalia iha lian Tetum, di'ak liu mos bele koalia no hakerek lian Inglés.

Maluk sira ne'ebé interese, favor hatama karta aplikasaun no CV ne'ebé inklui ona referénsia na'in rua. Karta aplikasaun bele hatama mai Edifisiu Belun: 03 Travessa de Baucau, Farol, Dili **antes tuku 5.30 lokraik iha lora 23 Abril 2019**. Bele mos haruka liu husi email: office.belun@gmail.com ka eugenia.belun@gmail.com. Atu hatene di'ak liu tan informasaun ba vaga ne'e, bele kontaktu ba numeru telefoni 3310353

Kandidatu ne'ebé liu seleksaun dokumentus de'it mak sei kontaktu hodi tuir entrevista. Enkoraja maka'as feto sira atu hatama aplikasaun.

Dili, 9 Abril 2019

Management Belun